

庚一、問答不求往生所以分二

辛一、問 慈氏白言。云何此界一類眾生。雖亦修善。而不求生。

辛二、答 佛告慈氏。此等眾生。智慧微淺。分別西方。不及天界。是以非樂。不求生彼。

庚二、問答免輪迴之所以分二

辛一、問 慈氏白言。此等眾生。虛妄分別。不求佛刹。何免輪迴。

辛二、答分二

壬一、答輪迴因分二

癸一、著世間福田分二

子一、邪見修福難出

① 佛言彼等所種善根。不能離相。不求佛慧。深著世樂。人間福報。雖復修福。求人天果。得報之時。一切豐足。而未能出三界獄中。

② 假使父母妻子男女眷屬。欲相救免。邪見業王。未能捨離。常處輪迴而不自在。

③ 汝見愚痴之人。不種善根。但以世智聰辯。增益邪心。云何出離生死大難。

子二、愚癡不修難救

癸二、著出世福田

⑤ 復有眾生。雖種善根。作大福田。取相分別

。情執深重。求出輪迴。終不能得

壬二、答解脫因

⑥ 若以無相智慧。植眾德本。身心清淨。遠離分別

。求生淨刹。趣佛菩提。當生佛刹。永得解脫

菩薩往生第四十二

戊五、問答往生數計以勸分二

己一、總問此界他方

彌勒菩薩白佛言。今此娑婆世界。及諸佛刹。不退菩薩。當生極樂國者。其數幾何。

己二、別答分二

庚一、此界分二

辛一、大行七百餘億

佛告彌勒。於此世界。有七百二十億菩薩。已曾供養無數諸佛。植眾德本。當生彼國。

辛二、小行不可稱計

諸小行菩薩。修習功德。當往生者。不可稱計。

庚二、他方分五

辛一、結前生後

不但我刹諸菩薩等。往生彼國。他方佛土。亦復如是。